



Broj: 01-50-1-15-55/09

Sarajevo, 10. juna 2009. godine

DOM NARODA  
PARLAMENTARNE SKUPŠTINE  
BOSNE I HERCEGOVINE

**PREDMET: O b a v j e š t e n j e**

Predstavnički dom Parlamentarne skupštine BiH je, 10. juna 2009., održao 55. sjednicu.

Na sjednici su, uz ostalo, razmatrani i materijali koji su u nadležnosti i Doma naroda, o čemu vas obavještavamo kako slijedi:

1. Zahtjev Vijeća ministara BiH za razmatranje Prijedloga zakona o međunarodnoj pravnoj pomoći u krivičnim stvarima po hitnom postupku, u skladu s članom 127. Poslovnika;
2. Zahtjev Vijeća ministara BiH za razmatranje Prijedloga zakona o graničnoj kontroli po hitnom postupku, u skladu s članom 127. Poslovnika;
3. Zahtjev Vijeća ministara BiH za razmatranje Prijedloga zakona o kontroli kretanja oružja i vojne opreme po hitnom postupku, u skladu s članom 127. Poslovnika;
4. Zahtjev Vijeća ministara BiH za razmatranje Prijedloga zakona o sprečavanju pranja novca i finansiranja terorističkih aktivnosti po hitnom postupku, u skladu s članom 127. Poslovnika;
5. Prijedlog zakona o izmjenama i dopunama Zakona o službi u Oružanim snagama BiH (drugo čitanje);
6. Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH (drugo čitanje);
7. Prijedlog zakona o parlamentarnom vojnom povjereniku BiH, predlagači: poslanici Šefik Džaferović i Adem Huskić (drugo čitanje);
8. Izjašnjavaње o Prijedlogu zakona o poštama BiH (drugo čitanje);
9. Prijedlog zakona o izmjenama i dopunama Zakona o osiguranju depozita u bankama BiH (prvo čitanje);
10. Izvještaj komisije Kolegija o nastojanju za postizanje saglasnosti o Prijedlogu zakona o postupku zaključivanja i izvršavanja međunarodnih ugovora (drugo čitanje);
11. Izvještaj Zajedničke komisije oba doma o usaglašavanju teksta Zakona o izmjenama i dopunama Zakona o finansiranju institucija BiH;
12. Informacija o radu Tužilaštva BiH za 2008. godinu (podnosilac: Tužilaštvo BiH);
13. Izvještaj o radu:
  - a) BHRT-a za 2008. godinu
  - b) Upravnog odbora RTVBiH (BHRT) za 2007. i 2008. godinu;
14. Izvještaj o finansijskom poslovanju BHRT-a za 2008. godinu, s pregledom korekcija Finansijskih izvještaja BHRT za 2007. i 2008. godinu;
15. Informacija Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini;
16. Informacija o stanju sigurnosti u Bosni i Hercegovini u 2008. godini;
17. Izjašnjavaње Doma o prijedlogu Zajedničkog kolegija oba doma Parlamentarne skupštine BiH da se kolegiji oba doma obrate visokom predstavniku za BiH radi davanja mišljenja o Zaključku Zajedničke komisije za ljudska prava, prava djeteta, mlade, imigraciju, izbjeglice, azil i etiku;

18. Davanje saglasnosti za ratifikaciju:

- a) Sporazuma o ekonomskoj saradnji između Vijeća ministara BiH i Vlade Republike Srbije,
- b) Sporazuma između Vijeća ministara BiH i Vlade Crne Gore o provođenju graničnih provjera na zajedničkim graničnim prijelazima,
- c) Aneksa II. Sporazuma između Bosne i Hercegovine i Kraljevine Norveške o finansiranju projekta u korist pravosuđa i/ili sudova i tužilaštava u BiH,
- d) Dodatnog protokola Krivičnopravne konvencije protiv korupcije (ETS 191), Strasbourg, 15. maja 2003.,
- e) Evropske konvencije o obavještenjima o stranom pravu s Dodatnim protokolom,
- f) Amandmana na Konvenciju o osnivanju Vijeća za carinsku saradnju,
- g) Protokola između Ministarstva sigurnosti BiH i MUP-a Republike Srbije o provođenju zajedničkih patrola uz zajedničku državnu granicu,
- h) Protokola između Ministarstva sigurnosti BiH i MUP-a Republike Srbije o održavanju redovnih sastanaka predstavnika na državnom, regionalnom i lokalnom nivou.

**Ad. 1., 2., 3. i 4.**

Predstavnički dom je po hitnom postupku usvojio:

- Zakon o međunarodnoj pravnoj pomoći u krivičnim stvarima,
- Zakon o graničnoj kontroli,
- Zakon o kontroli kretanja oružja i vojne opreme i
- Zakona o sprečavanju pranja novca i finansiranja terorističkih aktivnosti.

**Ad. 5.**

Prijedlog zakona o izmjenama i dopunama Zakona o službi u Oružanim snagama BiH usvojen je u drugom čitanju u predloženom tekstu.

**Ad. 6.**

Prijedlog zakona o kontroli vanjskotrgovinskog prometa robe i usluga od strateške važnosti za sigurnost BiH nije dobio entitetsku većinu, pa slijedi usaglašavanje u Kolegiju kao komisiji.

**Ad. 7.**

Prijedlog zakona o parlamentarnom vojnom povjereniku BiH, predlagači: poslanici Šefik Džaferović i Adem Huskić, usvojen je u drugom čitanju s dva amandmana koji glase:

**Amandman 1.**

- u tački b) na kraju rečenice stavlja se tačka i u nastavku dodaje novi tekst koji glasi: „Lice koje zabranjuje podređenom licu u svojoj službi da bude saslušano u svojstvu svjedoka ili stručnjaka u vezi s konkretnom pritužbom, dat će vojnom povjereniku pismenu izjavu s obrazloženjem. U tom slučaju vojni povjerenik obratit će se generalnom inspektoratu i ministru odbrane BiH“
- u tački c) na kraju rečenice stavlja se zarez i dodaje tekst: „te u tom slučaju sarađuje i s Institucijom ombudsmena za ljudska prava BiH u istragama koje se vode po žalbama o kršenju ljudskih prava i sloboda vojnih lica i kadeta;“
- iza tačke c) dodaje se nova tačka d) koja glasi:
- „d) da izda odgovarajuće preporuke nadležnoj instituciji;“

Dodavanjem nove tačke postojeće tačke pomjeraju se i postaju tač. e), f), g), h), i).

## **Amandman 2.**

U članu 10. stav (1) tačka a) Prijedloga zakona riječi: „upravnih i drugih odbora“ brišu se, a ostali tekst ostaje isti.

### **Ad. 8.**

Odgođeno je izjašnjavanje o Prijedlogu zakona o poštama BiH.

### **Ad. 9.**

Usvojen je u prvom čitanju Prijedlog zakona o izmjenama i dopunama Zakona o osiguranju depozita u bankama BiH.

### **Ad. 10.**

Nakon usaglašavanja u Kolegiju kao komisiji, u drugom krugu glasanja Prijedlog zakona o postupku zaključivanja i izvršavanja međunarodnih ugovora nije usvojen jer su "protiv" glasale dvije trećine poslanika iz entiteta.

### **Ad. 11.**

Usvojen je Izvještaj Zajedničke komisije oba doma o usaglašavanju teksta Zakona o izmjenama i dopunama Zakona o finansiranju institucija BiH.

### **Ad. 12.**

Predstavnički dom primio je k znanju Informaciju o radu Tužilaštva BiH za 2008. godinu, uz usvajanje jednog zaključka predloženog u raspravi koji glasi:

**Organizirani kriminal i korupcija su u BiH veliko društveno zlo koje podriva ekonomske i sigurnosne temelje društva. Iz Izvještaja o radu Tužilaštva BiH za 2008. godinu proističe da BiH nema dovoljno mehanizama niti zakonskog određenja za efikasniju borbu protiv ovog zla.**

**Zbog toga Predstavnički dom Parlamentarne skupštine BiH ponovo aktuelizira ovo pitanje i traži od Vijeća ministara BiH da u roku od 90 dana uradi Prijedlog zakona kojim bi se omogućilo efikasnije oduzimanje nelegalno stečene imovine i upravljanje tom imovinom.**

### **Ad. 13.**

Predstavnički dom usvojio je izvještaje o radu BHRT-a za 2008. godinu i Upravnog odbora RTVBiH (BHRT) za 2007. i 2008. godinu.

### **Ad. 14.**

Predstavnički dom usvojio je Izvještaj o finansijskom poslovanju BHRT-a za 2008. godinu, s pregledom korekcija Finansijskih izvještaja BHRT-a za 2007. i 2008. godinu, sa zaključcima koje je predložila nadležna Komisija za finansije i budžet, sljedećeg sadržaja:

- 1. Predstavnički dom podržava preduzete aktivnosti Upravnog odbora Radio-televizije BiH vezano za izbor konsultantske firme koja će sačiniti plan sanacije i konsolidacije Radio-televizije BiH, te zadužuje Upravni odbor da navedeni plan dostavi Predstavničkom domu u što kraćem vremenskom periodu.**
- 2. Predstavnički dom predlaže entitetskim zakonodavnim organima da entitetske zakone o javnim RTV servisima usklade s odredbama Zakona o Javnom radio-televizijskom sistemu BiH.**
- 3. Predstavnički dom zadužuje Upravni odbor Radio-televizije BiH da u najkraćem roku uputi zahtjev Konkurencijskom vijeću BiH kojim će tražiti ispitivanje rada**

marketinških agencija, u smislu sprečavanja monopola na marketinškom tržištu javnih servisa u Bosni i Hercegovini.

4. **Predstavnički dom Parlamentarne skupštine BiH zahtijeva od Parlamenta Federacije BiH da unajkraćem roku imenuje Upravni odbor Federalne radio-televizije BiH.**

#### **Ad.15.**

Informacija Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini primljena je k znanju, uz sljedeći zaključak usvojen na prijedlog nadležne komisije:

**Poziva se Zajednički kolegij oba doma Parlamentarne skupštine BiH da s članovima Kolegija Narodne skupštine Republike Srpske i Parlamenta Federacije Bosne i Hercegovine održi sastanak i predloži rješenja u vezi s problemima u provođenju Zakona o izmjenama i dopunama Zakona o ombudsmenu za ljudska prava, na osnovu Informacije Ombudsmena za ljudska prava BiH o zatečenom stanju u 2008. godini i aktivnostima preduzetim u 2009. godini.**

#### **Ad. 16.**

Također je primljena k znanju Informacija o stanju sigurnosti u Bosni i Hercegovini u 2008. godini, uz sljedeće zaključke koji je predložila nadležna komisija:

**1. Od Vijeća ministara BiH zahtijeva se da sačini plan mjera za rješavanje sigurnosnih pitanja i o tome dostavi informaciju Zajedničkoj komisiji i domovima Parlamentarne skupštine BiH.**

**2. Radi rješavanja pitanja i problema i predlaganja mjera iz oblasti sigurnosti navedenih u Informaciji, Zajednička komisija za odbranu i sigurnost BiH obavezuje se da organizira posebnu sjednicu s ministrom sigurnosti BiH, njegovim saradnicima, te direktorima sigurnosnih agencija BiH, uključujući i direktora BHMACH-a. Pitanja obuhvaćena Informacijom bit će detaljno razmatrana potom i na konferenciji o stanju sigurnosti, koju će Zajednička komisija organizirati u skladu sa usvojenim radnim planom za ovu godinu.**

Na prijedlog iz rasprave, usvojeni su i sljedeći zaključci:

- **Zadužuje se Vijeće ministara BiH da svakih 90 dana dostavlja Predstavničkom domu informaciju o stanju sigurnosti u zemlji.**
- **Zadužuje se Ministarstvo sigurnosti BiH da uradi plan aktivnosti s ciljem poboljšanja stanja u oblasti krivičnih djela krađe automobila. Rok za izradu plana aktivnosti je 30 dana.**

#### **Ad.17.**

Predstavnički dom usvojio je zaključak povodom zaključka Zajedničke komisije za ljudska prava, prava djeteta, mlade, imigraciju, izbjeglice, azil i etiku da se kolegiji oba doma obrate visokom predstavniku za BiH radi davanja mišljenja o Zaključku Zajedničke komisije za ljudska prava, prava djeteta, mlade, imigraciju, izbjeglice, azil i etiku.

#### **Ad. 18.**

Predstavnički dom dao je saglasnost za ratifikaciju svih akata iz ove tačke.

S dnevnog reda skinut je Sporazum između Vijeća ministara BiH i Vijeća ministara Republike Albanije o saradnji u borbi protiv kriminala, posebno terorizma, ilegalne trgovine drogom i organiziranog kriminala zato što ga nije razmatrala nadležna komisija zbog odsustva predstavnika predlagача.

Radi informiranja, obavještavam vas da je Dom potvrdio Odluku predsjedavajućeg Vijeća ministara o imenovanju:

- a) Mladena Simića za zamjenika ministra komunikacija i prometa BiH,
- b) Živka Marjanca za zamjenika ministra odbrane BiH za politiku i planiranje.

Također Vas obavještavam da je Dom u prvom čitanju usvojio Prijedlog zakona o izmjenama i dopunama Zakona o osnovama sigurnosti saobraćaja na putevima u BiH, predlagatelj: Zajednička komisija za ljudska prava, prava djeteta, mlade, imigraciju, izbjeglice, azil i etiku, sa zaključkom sadržanim u mišljenju Komisije za saobraćaj i komunikacije koji glasi:

**S obzirom da Ministarstvo komunikacija i prometa BiH priprema sveobuhvatne izmjene i dopune Zakona o osnovama sigurnosti saobraćaja na putevima u BiH, Predstavnički dom sugerira da se moguće inicijative za izmjene ovog zakona prethodno upute Ministarstvu komunikacija i prometa BiH.**

S poštovanjem,

PREDSJEDAVAJUĆI  
PREDSTAVNIČKOG DOMA  
**Beriz Belkić**